



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會編

上海古籍出版社



清代詩文集彙編 四七

徧行堂集四十九卷（卷二十七至卷四十九） 釋澹歸 撰

徧行堂續集十六卷 釋澹歸 撰

徧行堂集尺牘之七

丹霞今釋澹歸 造

侍者

古習
古踰

尺牘

與周文山別駕

丹霞勝緣得邀大作不特一時風動亦使千古生光異日廣弘明集中有此段文采皆吾兄不可思議功德也落筆尚借重鼎致制臺標題用印又足以鼓舞同心作合尖之導首耳

又

徧行堂集

卷二十七

二

弟自壬寅料理丹霞道場以來所為詩文編成二十四卷有從吏付梓者此時亦難於乞此一項錢糧尚爾遲疑若請藏之行得與吾兄北上相隨則途中出之與消磷共一披剝更覺痛快未識能有此緣否草荅恩恩又附此紙亦見吾輩結習之可笑也

又

語笑未久別來作數日惡出家人奔走十方時亦欲知交做官晤言一室時亦不欲知交做官真是難得恰好也廿五日制臺踐海幢之約即遣使請撫軍亦遂有傾蓋之歡飲水知源能忘所自耶徧海幢佳作

膾炙人口惟信手拈棋誰是敵一語制臺未肯恐山廟下招牌未免劈碎呵呵

與池儀伯別駕

極欲走相江覓一晤語而病魔日深羸乏少氣筋骨俱軟不能強步但坐臥一室中為無關之閉耳近聞貴鄉有變未知會得宅報否計吾兄此際豈免掛懷然彼中既無戰事目前自可安靜吉人天相在一切震動不寧時亦有同牀各夢之理幸寬意處之做官人各辦公家職業顧盼不得徒增憂苦無益也出家人既沒緊要又值老病當此少年苦難走亂料不可

徧行堂集

卷二十七

三

得惟祝護法宰官各具金剛手眼安戢地方遂此一枝蔭庇耳力疾草候諸不多及

又

前者不署仁化印今聞不署堂印吾兄可謂深入退一步法門矣做官人以忙為樂乃復以閒為樂耶古人謂門可羅雀弟謂有雀可羅猶是熱鬧境界若眼中不見一隻雀子非大解脫根性亦未易受用也弟以病魔相愛遣之不肯去已成廢人然常住大眾事累心恰似一箇極忙境界明知忙之無益而又不得閒病魔因此一發盤桓始信閉字是卻百病之方

但苦無湯使嚙不下耳風便博一撫掌并候起居諸不縷及

荅戴怡濤別駕

久疎大雅夢想徒勤得手教清風颯然如暫披對喜可知也客歲兩門人極承護念高涼瘠土乃損廉俸以爲淨植弟雖薄修無足當此然二世如來歡喜光中早已結成七寶莊嚴華蓋矣頃苦多病息跡荒山道駕駐仙城無由更尋晤語可勝馳仰承諭貴堂翁及吳觀老二綾率筆寫納兩公推吾兄法愛以及野論此固欲通而未敢者別具劄刻幸爲轉致外偶書

徧行堂集

卷二十七

三

橫紙博笑茶筍山中粗制非當行者若享芹子之誠亦不妨蜚口也

又

屆大寒始抵章門蓋江路梗阻自南安至此凡三易舟即當極矣奉訪東白令親得手教讀扇頭兩詩迴環不忍釋手僵臥一小艇中吟堅素堂集和風旭日長照心眼忘勞忘冷忘踣躅之苦惠我多矣細葛之贈得無溢乎東老高雅一見如故茶話娓娓談平安山之勝此心忻然便有結茅之興衰年多病久欲息肩雖事不可知譬於說食亦且快意也明夏過韶陽

能策杖入丹霞作一二日談笑且邀題詠亦不敢久荒公事謹此留謝并訂後期不盡

又

客冬奉訪東白令親卽留數行稱謝春正從廬岳返棹至章門時正在大病彌留之際不得一相聞良用歉然狼狽還山臥病至今倚杖而行人扶乃拜龍鍾極矣陸孝山自仙城來始知高才雅望藉攝廣象此亦吾兄熟路輕車然時事紛紜微需絡索比往日賢勞更倍惟利器在手故可迎刃而解耳西江舟中讀扇頭佳作有寄懷一詩尚未呈教便遣門人齎投山

徧行堂集

卷二十七

四

果區區非敢云敬也聞高涼兵譁已解貴堂翁近况何如念之并及

與顧象二別駕

承示大作高秀無一點塵埃殆非衰劣所能措手勉步來韻蓋山鳴谷應有不可遏者惟削示爲愛昨拜雅覬尤爲愧悚特領吾兄體恤老年至意比於東坡所得扶劣膏抑又重矣至海幢尚圖快談此地隔一水又敝法兄阿字首座儒朗不群可共語者今日行李恩恩不更走送也

與李廷標別駕

客春得見顏色卽知大士於般若中熏習已久不容更作門外觀也丹霞山水佳絕陸孝老與同志諸公各出一手爲弟勸助弟不敢私爲已有昨請天老人闡揚最上法門與十方禪客共之亦嶺表善事大士根性解脫幸是一家人不可不特捐清俸爲丹霞作功德王與諸檀越成同心同行之勝也此等事非其人不爲言非其人而言則失言是其人而不言則失人弟於吾王無失言之過卽無失人之過卻請高明一肩擔荷矣

與南雄常別駕月生

徧行堂集

卷二十七

客冬海上紛紜欲追隨仙舟已不可及然敝門人傳到瀕行之諭具感雅意關切至今不忘也會城一番阻滯未免蹉跎還山已逼歲盡無由一修候問伏惟履茲新春景福駢集二月間方能扁舟凌江之次續晤對之緣耳僧家爲三寶經營直是腳跟無線去年坐臥山中不滿五十日歸來無一日閒今又當下山矣着了袈裟事更多更容不得一些懶散但如在海幢所見所聞皆兩軍戰鬪百姓流離之事亦未易耐煩也阮弱生近况何如想益精神炯炯并爲致意

與來宜公別駕

徧行堂集

雄關三月甚荷青貳兼以唱酬之樂珠璣滿把幸何可言比來伏承起居勝常宮衙清曠讀書賦詩較之營建比丘塵坌鞅掌優劣又有間矣偶因人便率致荒緘夏杪尚有未了之緣可圖重奉歡笑耳

與楊崑日別駕

僧回得手荅具悉雅意關切甚厚復承詢及本師天然和尚益見爲道之勤感服感服和上近在東莞弟久欲往迎以法堂方丈未起且大善知識來時相隨衲子甚多亦須更料理數間僧寮始敢以此事大抵期在來年耳別示欲送雙鹿入山作詩客此正

徧行堂集

卷二十七

以縱之長林豐草爲得其性出家修菩薩道尚欲勸一切人放生豈有檀越發菩薩心而不仰成其美者幸隨便發來不妨作野人之伴也弱無佳者輒寄上一柄且佐驅蠅候覓得當續書奉寄

又

三月十六至穗城入雷峯謁本師天然老人敬投大啓老人素仰清白傳家之風瀟灑出塵之骨極思把臂正須俟之秋間耳請善知識住道場比平時料理大眾錢糧不同弟頃發惠陽之棹且看彼中緣法何如若得如意當卽奉老人聯舟而上倘須更過一寨

則時節便未易定也。幽冥鐘事，猶未有點筆疾書者。惟吾兄無量劫來，聞熏最熟，乃有直截爽快。吾法門擔荷之人，亦無甚奇特，惟能直截爽快，便是解脫之因。不直截不爽快，徘徊牽制，又成不解脫之果也。

與萬松溪司理

數月闊違，伏承道履勝常，爲慰。丹霞四浙客詩，刻成寄覽。他時亦望居士同此勝遊，成一續集也。別刻傳記三篇，併正因果差別。蓋有酬因載果者，識得酬因載果之人，便能向因果中頭出頭沒，作大佛事。此世出世間諸菩薩之所宜盡心也。未聞晤言伏暑，惟若

補行堂集

卷二十七

七

時珍攝不一

又

山中窘乏，已不可言。弟外雖閑，閑中實戚戚。吾兄於頻行之際，汲水以救枯魚，此所謂德期於當厄。其爲感刻，不可言也。丹霞化主，請得錢糧，更須解運，未識添糧於何日可發。若得節前齋回，節後度嶺尤爲及時。甘澍譬如持鉢，未得詐道不饑。忽然有一碗熱飯，在前便等不得到口。總盤破了口皮，亦自不知可爲知已一笑。

與吳錦雯司理

別後尚關修問，每自愧其疎畧，想高懷亦不深責也。比聞貴衙門奉裁，此亦今古罕聞。旣已罕聞，得一見但帶累丹霞山寺下一簋護法。錦雯輪馬錢且置，澹歸粥飯錢教阿誰還。可歎可歎，阿師遣使來請淨檀料，不以行止而疑其意，無上菩提，正看此勇猛莊嚴幢也。

與沈杞菴司理

荒山雖在物外，時有仁聲入耳。今夏至貴治，得諸士民口碑，則又挹湖光擁山色，應接不暇矣。甲辰春，別立曙老於凌江，曙老手一函見授曰：師若往惠陽，不

補行堂集

卷二十七

八

可不晤沈杞老也。吾輩氣誼中傑出者也。懷之三年，遲回未獻。比來豐湖桂錫瑞開闢，問台旌猶在仙城，悵歎久之。曙老此一念，爲丹霞遺塲計，惟是化人懶惰，不早修誦，往來一水，每爲交臂之失。然曙老之意，則不可以沒也。謹囑朱學博便爲繳呈，別有奉懷拙作，并小刻六種，仰請大匠之削林間把手，傾倒宿心。此固野人所願，若心光猶能垂照，則珠江一棹近可尋耳。臨書瞻企，未盡縷縷。

與邵米壺司理

手教到山，弟尚滯凌江，未得裁荅。聞有鐫級之報，殊

愴然出意外一官上下知不足爲大解脫人介介然
韶石失一好官丹霞失一好護法皆不是小事卻令
旁觀者介介也道人近來無恙栖心世外者更無攢
眉相對之狀此又是開懷耳

又

誦經然燈供佛齋僧悉已如法不虛功德矣白意主
教爲向道人一誦之曩來見應付僧宣疏皆襲道士
上朝拜表科儀每一觀聽通身爲痺又其所傳寫唱
頌之詞雖陋不通自以爲是尤可噴飯也近見尼謂
之文佛又號能儒其不應以孫策帳下兒爲比明矣

偏行堂集

卷二十七

僧制一切羯磨祇是作白今此法不行而向三清門
下直日符官攬行奪市使慈悲利濟之事化爲貪婪
市井之風此丹霞所禁也比爲道人作白承古法而
潤以今文其經懺壇場俗套繁刪之自謂庶幾得所
耳禪堂上梁致語漫錄一笑

又

委作兩文字呈削遺囑自是有關係不減於舍利此
以並紀爲法門重也風雨不時小舟震蕩殊無佳趣
便欲還山值候辰在適當更奉慶乃歸不盡

與林毅菴司理

江別後屢易寒暑詢貴鄉來者月知起居如宜甚
慰遠懷也石鑑法兄來長慶幸與一往還吾儕老矣
臘月三十日一着子不可不料理吾翁曩曾津津談
此石兄悟門極真具有抽釘拔楔手段且莫錯過也
有便示一信爲佳

與凌昆放司理

拈韻手示悚然無已今釋且不是了事漢何足當若
士虛懷下問然悠悠二字自是我輩通病卽某執付
本師於已昭下事如隔日瘡每於病苦中把箇死字
懸懸在面前輒有人處到病好時又放恣矣居士卽

偏行堂集

卷二十七

十一

今豈能把箇死字牌時時懸在面前如所謂日暮途
窮祇是一句說話若真實見得日暮途窮未有不着
忙者今猶未至於着忙則猶是日未暮途未窮境界
也此箇大事祇在心切不在古人公案上討不在當
機問答處討承欬披忱舉問不知從何處發端此亦
是我輩通病卽如此箇大事二六時中無一剎那間
斷從無始來盡未來際無一剎那間斷爲什麼尋常
時節歷歷分明纔及此事便茫然不知還是不知此
事還是此事不知須知不知的便是歷歷分明的覺
得不知的便是不知的換卻不知的便是覺得的沒

有趨向分也沒有迴避分纔要趨向覓伊不得纔要迴避卻趨伊不去若從這裏一腳踏倒百年三萬六千場及覓元來是這漢且道這漢是誰識得了時更覓草鞋行腳

又

無事於心無心於事說什麼賓主祇如居士在家中飯到便喫尿急便痢不可總問人還有賓主也無也古人方便垂一言半句皆向未痢以前看到纔入思惟便成隔礙豈况更於其中說箇無事於心可無心於事不可乎如居士所引撮心一處無事不辦此是

編行堂集

卷二十七

十一

不了義中收從上宗乘中事學人還有分也無此是未了時的話當日德山道我宗無語句實無一法與人雪峯當下如桶底脫尚被巖頭呵道從門入者不是家珍那有閒工夫向這裏說王說賓說照說用說功說位此事惟真參實究把無始劫來偷心必盡方得相契相契了方知元沒有此等事說什麼無心元沒有此等心說什麼無事如賊入空室直不得一聲阿呀毛解冰消又說什麼猶有無事之心無心之事耶若在理路上揣摩縱然將一切處平常無說無聽舉了便會了等病和會得來躡抹得去只成得箇葛

藤棒子抵不得生歎也三王丹霞大詩足令山靈增氣恨未能步武爲悵別示全稿容細讀之稍暇當附數言於末簡正恐佛頭着糞耳並謝不盡

又

承問如何是此事作麼生是偷心偷心作麼生得成盡卻不道古人一句答了也此事如賊入空室今時人只愛有些敲噐譬如懸灰作飯以誑嬰兒識其爲灰登時放命矣若纔見說着此事便將無事於心無心於事等語的事字來比擬纔見刻卻理路又將理則頓悟理隨事變等語的理字來牽合如此打葛藤

編行堂集

卷二十七

十一

三藏十二分教一千七百則公案比擬牽合三生六十劫有什麼了期須知真參實究不是這箇道理祇如馬祖答無業云卽汝未了的心便是業當時不契祖云大德正鬧在且去業下階祖喚云大德業回首祖云是什麼業便大悟且道這是什麼時節這便是無業賊入空室時節要兒見灰時節偷心必盡時節放身捨命時節參須參到這裏究須究到這裏到這裏有什麼了有什麼不了有什麼理有什麼事有什麼麼家有什麼賊有什麼參究有什麼此事一向妄想作麼時屆中秋一輪無異承居士遠餉好與大眾喫

茶擬酬標月之指恰被玄沙拗拆使者空還不盡

又

做化主人終日酬應還山後又有酬應昨遣石吼入城亦是酬應皆所謂徒叫奈何者也忙中不及寫大一字失於致候老兄便說爲有道所棄何其多疑也出家人有到處有不到處惟格外之士不向此間眨眼亦願老兄消卻此一隻也霽色可愛乘興入山共話契濶庶慰野懷所願以俟

又

長者降生之辰吉祥歡喜無以將意入八萬四千歲

徧行堂集

卷二十七

三

說與居士結龍華會上之緣知一笑深領也雨色滂沱未得船祝從此以往相見甚長不區區此日耳

又

蝸宿寒山見令孫破風雨來共三教覺暖風逼人知欲爲丹霞護念甚感兩冊恐不易兼行但如教去維摩居士借座燈王取飯香土正是一時事亦不妨說到便到耳二十箋俱塗卻半草半毫憑人所好尊夫人勸導有方極慰莊嚴之願昨已遣告樟樹之神便書一紙寄去造像匠昨晚入山瞻禮金容只轉盼矣不多及

又

手教至具悉苦旱兼道體稍患瘧下蓋是今歲時各省俱少雨省城諸相識脾病極多天時人事不相感召處但不合帶累好人耳然使不累好人則病與旱一切無有豈待問慰耶比來想平復有便示慰

又

坐困穗城一歲乃歸得手教具悉尊指出家一法亦自不能盡責之老年人然在大衆中便有許多不得出入處所以金籠兒雖好不戴若一戴上了從來唐三藏只學得緊箍兒咒不曾學得鬆箍兒咒也

徧行堂集

卷二十七

四

兄所疑屢候不答此非深垢蓋不可念緊箍兒咒又沒有鬆箍兒咒可念惟有一箇不念耳吾兄且將慚愧畏避兩念一時放下徑來丹霞徑見方丈有什麼隔礙處要住卽住要去卽去要時往時來卽時往時來有什麼艱難苦楚處七八十歲老人有甚來由別人不念緊箍兒咒卻自己念緊箍兒咒何也言不多及先發一笑立候賠談不盡

又

還山欲偷幾日閒不欲遣人知承示近苦瘡疥痛時痛癢時癢幸有兩隻手閒着起動他搔搔有何不可

弟手亦不得閒未免妬人之閒尚欲與老兄攀藉亦多住幾時且莫說慈悲何在呵呵起居自是應酬應事吾輩豈復拘此垂注每先感切感切

又

承示或提話頭或看經或念佛每一念起便有第二念難之紛紜轉轉不得專一此病只是不切不切之病生於不信也老兄若信得提話頭則話頭之外一切掃蕩信得念佛則念佛之外一切掃蕩係九一路總是下手工夫今既云或提話頭或看經或念佛則起念之先早已夾雜卻怪他起念之後不得專一可

補行堂集

卷二十七

五

乎士大夫學道只是一箇涉獵何嘗信得真信不真自然念不切便了了一百年多知多解到眼光落地時依舊照樣沒地與不學道者一般矣兄已七十餘歲決無更活七十餘歲之事何不將死字放在面前係九一路得與不得且都放下若自己已不切沾沾向師家討幾句說話作安樂法門亦無此理阿難云將謂如來惠我三昧不知身心元不相代古人於善知識言下如桶底脫皆是渠平日信得真念得切逼拶極下一回着到非可以浮游之習驅涉獵之功而遂證無上菩提出生死海也恃愛率臆幸亮區區不

多及

與滕僊州梅羹

文昌公信至知大居士再損廉素以充清風歎仰無量吾僧家托鉢到門一見皺眉再見張目者往往而是惟大解脫人宿植德本始能不倖隨喜爲法海中不請之友耳古人有言輕財好施弟嘗以爲不然財是有用之物善用之則福智莊嚴不善用之則殃咎叢集世之所謂輕財者舉凡暴殄而巳財亦不受其輕惟以好行其德之心用之則財始重人之心亦然聖凡同體無毫釐差別善用之亦福智莊嚴不善用

補行堂集

卷二十七

五

之亦殃咎叢集也觀吾道兄此一舉卽知平日好行其德之心隨時隨處無不推廣豈不增上弟直爲聖賢道中得一善用其心者喜耳若論大海胸襟說得過行得過常說常行常常無住卽此等語都無着落然古來名德亦不過於此心用處從旁指出稱揚歎美非有一言半句着落得到本體上想大智慧者爲一撫掌也橫卷寫近作詩餘請教空谷中乃無一物力疾書此聊見一念之誠耳諸惟珍攝爲萬姓白愛

與金縉州守

此地得一接風度喜出意外見公眉睫之間應有無

師之智尤以爲深慰也。一官外物隨處蕭然。吾輩自不作世間得失之慨。所惜者筆墨之役未敢妨廢。不暇與公作數日快談耳。正在謝客且遲報謁。恐應酬之例一開便添許多。人怪責幸高明諒之。何日往端州亦未卜。道駕仍還仙城。或卽上蒼梧并希示及諸容續悉。

與黃鄧州閣如

別故鄉二十五年。頃卜丹霞一坐具地。老作嶺南人。久於戚里疎濶矣。敝山王李鑑湖書至。始知古穰福鼎近出吾鄉。又從孝山使君悉高懷雅尚。傾仰彌深。

徧行堂集 卷二十七

七

所恨無由縮地。一聆聲咳耳。丹霞山水奇秀得鑑老拾山。孝老護法。遂成絕構。鑑老幸託宇下。望時賜照拂。此公君子也。曩年避地丹霞。兩藩入粵。乞身扶父母兄嫂。輒歸里。頗著孝友之風。頃欲投老丹霞。蓋於弟爲世出世間莫逆之交。遲此良會。大士能爲勸駕乎。孝源先生卽丹霞開山主人。其兩郎君并異垂聆。聞家庭小有違言。亦非清冷雲中所樂見。聞想德化所被。能以至性感乎也。方外之人輒敢遠通候問。恃吾孝老以法喜爲介紹。別函附納。佇俟金玉之音。慰其屋梁明月之夢耳。山刻并拙書幅素寄正。諸惟爲

道自愛不宣

與沈石友鹽司

臥病十餘日。無復有人間之意。今小愈矣。值此益無復人間之意也。已理歸舟。氣息惓然。未能話別。小詩呈敘傷心之聲。如不可續。想大居士生菩薩家。深入菩薩心地者。爲我法門一動容也。後會未定。惟祝保練自愛。不一。

又

頃有施主送鹽十包供衆。此丹霞難得之物。但恐盤詰有阻。不揣冒干。可賜一印票發行否。如以爲可。卽

徧行堂集 卷二十七

七

望給發。若其不可。亦求示復。以便辭施主。不敢妄受也。齊僧功德不同私販。或能遜出格護持。則大衆免食淡之苦。當家亦免買鹽之苦。皆感吾兄成就福田。倘不可。則鐵板鑄成一箇。濟歸自是天然。老人錯爲安字。不干大衆沒福也。呵呵。屢示欲拙稿。舊本在山中。歸時錄出呈教。弟於十六日從雷峯發舟。至此二扇俟此日乃得齊繳也。

與周鹽司

一奉塵談。殊深寤寐。尋僧竹院。無日忘之。聞高懷渺然。欲賦歸去來辭。此固賢達之風。然爲此地遽失覆

陰增其慨惜耳兩日適有他在歸寺乃見手教吟佳篇釣天廣樂之音繞我四座感慰未易言喻尚俟稍暇抽荒穢之思一步雅唱先此謝教諸容晤盡不一與彭番出退菴

久不得悉近履殊挂懷抱頃遇近際公於雄關知吾兄前月感冒甚劇且喜平復吉人有相深慰下情弟奔走因緣末由馳候計能鑒亮病當初愈中氣未完幸節勞戒怒時進平補之藥至於飲食房輟以理自攝皆衛生之經不可忽也偶值風便暫此勒寄縷縷之情未能悉其萬一臨書馳念

徧行堂集

卷二十七

七

又

手示眼濛臂痛執手版迎新機軍令君受用如此所謂天生退菴蓋將勞之一切世出世間事皆要一肩擔荷不特澹歸分不得卽三世諸佛亦分不得也却覆舊督疏紅鸞不照誠爲可慶然詳旨意猶是不沙汰之沙汰其爲法門之憂亦大矣前見十四年查度牒府差幹牌下鄉有威逼僧人至於自盡者爲之痛心不已三寶中蒙此難事若宰官持權者能寬一分則比平時護持功德勝過百千倍願吾兄留神加之意也弟日爲此事胸中不樂念時勢若此莊嚴道場

勸導有情豈不更難卽如丹霞建置仗吾兄與若老真切相爲纔得有此一段光明今結構未半而遽遭立籍限僧之令安能向諸本不信善者更行勸導耶又部文一到通行各府設使韶州官吏承望風指奉行不善則山中大衆未免震驚弟若不歸茫無所至卽於九月初旬便理還山之棹矣

又

臥病十餘日幸已小愈卽買歸山之棹沿途調理與尚偷視息於世間但沙汰令行未知能容我視息世間否耳小詩留別蓋傷心之聲若歌若哭亦有往而徧行堂集

徧行堂集

卷二十七

七

又

不返之痛知吾兄福德深重爲我惻然長歎息也部文若到幸於海幢雷峯留神斟酌破格護持爲禪弟稍能步行尚走臺門面謝以悉縷縷未盡之懷也頃在山中如一隻螃蟹四螯八足俱已脫卻惟刺箇斗殼子耳念此光景不消臘月三十日到來大衆已凋零道場早已荒穢擬欲出門無何向行行不得坐又不能此卽束手待斃吾兄聞之豈不爲一垂憫耶有數行致若老弟勸導夢寐間遊切忌醒時失伴也

又

護持高義遂足八年三寶福德爲吾兄迴向非弟一人薄修所能仰報此行離恨無可比况江樓夕話益增悵感早起奉送則仙舟已發悵望雲天徒有目斷耳長途珍重起居飲食倍萬保練力佐新政時惠好音以慰空山故人之思也數行附致若老喬梓幸爲伸意別諭阿字兄云云具感肝膈之愛尚與多方留念使諸公各盡海涵之量也蘇子瞻云吾輩於世外人當一切澗客此蓋爲法門深念不僅從一人一事起見吾兄具超邁之識應不以鄙言爲私耳臨書馳

徧行堂集

卷二十七

主

切不盡

與沈詹山明府

諭及爲丹霞功德領袖喜慰無量自非多生於菩薩道中同見同行豈能作此不請之友謹如教拈一偈馳去餘幅幸發揮數語示作導師不獨爲因緣增重他日刻藝文志亦少不得大文光壯也護法契誼如陸孝山史庸菴俱有作弟亦不濫求也切囑切囑

又

三月至海幢始見手翰如暫披對喜慰無量別來久矣相念時切但以路遙無由促膝爲悵悵耳前一札

徧行堂集

卷二十七

主

凡心源不動湛如水一聲霹靂頂門開喚起從前自家底須知心源一句是他平日得力處卻是他受病處若不是一聲霹靂打散此結則癰癆鼓膈症候早據膏肓無藥可治矣弟不知前札所云以後札指之所云勞勞攘攘應發慈悲忽忽一截頭顱如故者知兄坐此礙膺也頭顱從來是如故更過三生六十劫亦只如故纔怕他如故則頭顱變矣雖則變了依舊如故可惜不知何不向勞勞攘攘中討箇倒斷耶丹霞緣渴望已久此七十金極濟急需而行貨不行來使付囑於范冠甫冠甫兄弟亦丹霞檀越也或不致

悞俟其繳足更發函爲公據耳近刻并小詞四紙寄博一笑會同僑州各附拙書山刻煩轉致貴知到也瓊山亦同致之并速其如約聞風續書不能無望於再三勸導正謂福德不嫌多耳弟去冬嘔血今春感寒至今元氣未復老年奔走尤難安得不請之友如吾兄數輩相助結局乎涉夏惟順時倍萬珍攝爲祝

又

去歲九月書今歲十月方見聞問之難如此承示臨事不耐煩兼疾惡過嚴未免易於動性不知性是何

偏行堂集

卷二十七

重

物而欲使之不動又欲使之耐煩既謂明知此一着子直截痛快原無罣礙則不耐煩處也無罣礙動性處也無罣礙若道動與不耐煩便是罣礙即須硬差排此性如水頭石頭去纔差排不得又添出許多罣礙來如著做繁行荆棘中矣大抵吾輩病痛只是要討一箇好境界殊不知好境界與不好境界皆如夢幻皆不曾與此一着子有絲毫干涉又何處另討出箇廓然之心體作無罣礙樣子乎兄但向不耐煩處易於動處冷冷觀看畢竟是有根是無根是變滅不是變滅久久看去忽然觀破則知仁者自生分別分

偏行堂集

卷二十七

重

有便不惜寄示近况以慰遠懷

又

客歲十月曾有數行寄范冠甫未知曾到否相去頗遠不得常通聞問此衷耿耿無日無之春來伏承道履勝常即膺峻擢以慰蒼生之望并爲吾道之光也丹霞修造未能歇手老病相尋無由奔走托鉢遂成坐困因憶吾兄一則尚有未結之緣敝門人自破發心渡海專叩階前幸賜護念於貴同寅中有已題和遣使催收或未題而可勸者并請化導若治下士民更借居高之呼作衆擎之舉知我如兄想不以煩瑣

見責也。僧家建立叢林，便畢一生，都不能了。不知古人何以有一生成就。數叢林之事，福德既有，重輕功勳不無難。易弟豈能不愧修行之薄，所願吾兄以其餘力，掖我暮年，使無缺陷於瞑目之際。感玉成之恩，不淺矣。自破乃老實衲子，倘有不及處，尤冀照管，以化主有錢糧關係。非老實者，不遣也。前書恐未寄到，更令侍僧錄稿附去。與吾兄別後，承惠三函，一函竟無查處。一函隔一歲始見，寄書之難如此。何時晤語，一寫淵懷乎。

又

徧行堂集

卷二十七

五

自破還得荅教，具悉道體勝常，欣慰之私，至忘寢食。兼領到淨檀，於水乾魚急之時，有絕處逢生之樂。大眾贊仰，未易名狀也。弟去夏大病幾死，季秋方愈。奉本師老人喚一往廬山，今春還舟抵章門，復病尤劇。蓋三十日始能起立，入丹霞調理半年餘，拖條拄杖，子不能行百許步。老景龍鍾，至此已極待盡而已。世事紛紛，遣信不易。未知吾兄曾得榮權否。若可比歸過韶陽一再晤語，自是平生慶幸也。別諭欲得拙語，皆未災木。茲令書記鈔一冊奉覽，又手書二橫卷，一頌古一詩餘，并往亦只是衲僧家常說話，然以好道。

虛懷開時，展閱忽然一笑，打失布袋，不妨總付之水火耳。滕公再施，非解脫根性，豈易及此。有一函竝司鐸諸公謝書，幸轉致之。賸辰從不提起，瓊香佳惠，千佛一爐，所謂檀越有分，大眾有分，老僧有分者也。愧荷愧荷。寄書者似石上座，乃天然老和尚侍者，歸省其剃度師，令專齋上。此公老實修行人，相見時能悉此間曲折，弟與同舟而還，大病時全得其方脉，看視之力也。

與并存士明府

徧行堂集

卷二十七

五

光毘耶室內，曾分七日之香。西子湖邊，更踐石泉之夢。爲吾一家法喜有素者耶。大集自紙貴三都，拙引則名輕皇甫。過承遠獎，禿管增華，并拜新詩。南金比重，繭分冬月。葛屨薰風，感忤既深。情詞莫措，頃於海幢座中，復見與阿字手札，推紫汾之誼，及世講之歡。執禮過謙，存心彌厚。然業以法地爲歸，不應攀儒林之例。願我兄所以待弟者，一如弟所以自待，使二老風流全收物外。則此心安處，都在箇中。謹璧台銜，非敢自棄也。使旋暫謝，意所未盡。嗣容續布秋暑珍攝，放筆神往。

與周退菴明府

書院借蔭秋夜無事有詩十數首兩橫幅博笑同在月明中素牋清茗不妨與玉卮金管共作餽飮也此刻還山未更走別

又

久不晤語馳仰爲勞六月一病幾至不起今仗庇向愈而神理未復飲食起居猶自卽當不少惠教詩牋足爲風雅擅場不獨虞城江山生色世外朽人廁名其間具感挈攜幸甚幸甚惜字十二則天地間元氣當藉以留吾兄勒名玉版通派金河卽此可作公據

徧行堂集

卷二十七

毛

矣筆墨塵封已久委作敘言容收召魂魄落紙呈削扇綾寫納病起試筆不堪入法眼也府金之錫拜嘉增愧使旋附謝

又

入嶺後極欲圖暇扶病還山頗思靜攝以俟神氣之復忽聞孝山臥病旋奉大謫意殊愴然扁舟往慰不免重增勞倦矣歸來得手教知太翁有杖履登臨之興喜快無比此後丹霞又添一番佳話何幸如之使者到時弟已遠出有失裁荅謹遣侍僧陳謝并議來期以便掃徑奉迎也貴差隔江呼渡種園人不知遂

遲接應已呵責之尚俟面傾疎忽之愆也試筆寫得四詞博笑西江一行全是苦趣此乃黃連樹下琴聲耳諸續布不一損惠過豐別具謝柬

與王仲威明府

道駕過端州聞在靜攝不敢驚起居然得之价人具悉吾大士居官居鄉持已及物正大光明之槩則已神往左右矣丹霞營建復荷淨檀信世間法與信出世間法無二道蓋於心期盡處一串穿卻則大士發因野人迺向無不絲絲入扣也溯流還山未遑謁謝傾倒之緣尚俟異日拙律與山刻寄請刪定倘有針

徧行堂集

卷二十七

元

水之投則道里阻修猶之乎晨夕晤對耳臨風馳仰未盡願言

又

兩眼相對各有默契似不在世間出世間二塗珠江一會至今猶未散也遠翰下及喜慰無量披讀之際紫玉松濤增許多清壯又爲珠江一會添上無數波瀾矣六綾寫納信到適抱病二十餘日乃痊神觀稍復始能落筆坐此稽遲幸諒丹霞石刻并寄既承瞻飮更向體中一釂恨欠新耳分俸非薄修所堪卻濟藥餌之須不容不拜惠愧荷深矣